

۱ شوال سنه ۱۳۳۳

پنجشنبه

۳۰ تموز سنه ۱۳۳۱

DJÉRID I SOUFIÉ

Fonde en 1090

Organe Turc Fanislamique

Directeur Propriétaire.

HASAN KIAZIM

No. 111, le 9 (6 juillet 1915

Adresse. Avenue de la S. Porte

Rue Eb ussonoud

حجر نای صوفیه

شمه دیاک اون بش کونده بر نشر اولنور

صاحب امتیاز و مدیر مسئول حسن کاظم

تاریخ تاسیسی ۱۳۲۷ سنه هجری

ملت اسلامیہ — امت عثمانیہ ایچون منید اولان آثاره
صحیفه لر منر آچیقدر درج ایدلمیان اوراق اعاده ایدلمز

استانبولده باب عالی جوارنده ابوالسعود جاده سنده
نجم استقبال مطبعه سنده اداره خانه منر اصحاب
مراجعه نه عرساعت آچیقدر

سنه لک اعتباریه ممالک شاهانه ایچون پشین
اوله رق ۲۰ الی الی ۲۵ غروش و ممالک
احضیه ایچون ۱۲ فرانقدر .

تلفون نومبروسی : ۱۰۹۷

نومرو ۱۱۲

تصوفی ، دینی ، اخلاقی ادبی ، سیاسی جریده اسلامیہ در

نسخه سی و ۵ پاردر در

متأسفانه و مساحت خوتاب قابی دیده در روان ایدیوروز. طالعمر مساعد اولورسه مزرعه طاعته تخم افشان عمل خیر اولوروز. فکر مزی بو تشبه صرف و تخصیص ایده جک اولورسه ق شبه یوق که عنایتکله مشکل آسان اولور. دم واپسینده توفیقات صمدانیه که مظهر ایت که سنی یاد ایله تسلیم جان ایده لم.

ضیا

فا کلیجه دن :

تراجم :

کرامات اولیانک صحتی حقنده بر مطالعه

کرامات اولیا حقنده قصیده امالیده [کرامات الولی بدار دنیا لها کون فهم اهل النوال] بیورلش اولدینی اوزره مظهر التفات ربانی اولان اولیای امتدن کرامتک ظهوری حق و نابندر. (اولیا): قرب الهیه نیل ایله شرفیاب اولش ذوات دیمک اولوب اوصاف جیهلری؛ عبادات و طاعاته مواظبت، معاصیدن محتجب، لذات و شهوات حیوانیدن معترض و الحاصل بتون معناییه صاحب تقوی و فلاح اولمقدرد. اشبو اخلاق ایله متحلی اولانلر معرفت ربانیه خصوصنده جمله عابدینک فوقنده بر امتیازله مبدل و نفسلریجه. [الان اولیاء الله لاخوف علیهم ولا هم یحزنون] آیت کریمه سنده کی بشارت سبحانیه ببناء - غم دنیا و هول عقابدن آزاده اولدقلری حالده نوال قدسی [فرحین بما آتاهم الله من فضله] ایله مکرم و مفضل بولنورلر. (کرامت) تمیزندن مقصد ایسه صلحای امتدن خارق العاده امرک ظهوریدر که دعوی نبوته مقرون اولورسه (معجزه) اطلاق اولنور.

ایندی کثافت نفسیه سنی جلاء طاعت و ریاضت ایله ازاله ایدرک ملمه قلبی - هر ذریه انعطافدن بر آن خالی قالیان سرائر تجلیات سبحانیه تک تلقیسنه مستعد قالان عرفای حقیقاندن - قصده مقرون اولسون اولسون - خارق العاده امرلرک صدوری استبعاد اولنماق لازم کلیر. بونکله برابر بعض طائفة اهل ایمان امور خارقه نک پیغمبرلردن غیرینده صدورنی انکار ایشلر و خارق عاده نک سائر ناسدن دخی صدوری تقدیرنده انیانک دیکرلردن جهت امتیازلری قالمز دیشلر؛ فقط جهور اهل سنت [انیای کرام سائر ناسدن تحدی و دعوی نبوته متمیزدر. اولیای ذوی الاحترام ایسه متابعت انیا ایله افتخار ایدوب تابع اولدقلری دین و مذهبک کرامتندن استفاضه عرفان ایدرلر اولنک ایچون کندیلرندن ظهور ایدن کرامتلر مقتداهاری اولان دینک برر (معجزه سی) اولور [دیدرک آنلره بک کوزل جوابلر ویرمشاردر.

قالدی که کرامات اولیا حدتواتر بالغ بر امر مشهور و اولغله انکارنده

فائده یوقدر. کرامات حقنده تاریخلرده مسطور تواترلردن انک رنگین و حقیقتقرینی عمر الفاروق حضرتلرینک منبرده خطبه اوقورکن [یا ساریه جابوق طاعنی طوت] دیه بشیوز فرستخلق بر مسافده اولان نهوند اوردوسی سرداری ساریه امر ویرمسیدر.

کرامات اولیانک صحتی حقنده تفسیر کیر صاحبی فخرالدین رازی حضرتلری زکریا علیه السلام دأر آیات منیفه نک تفسیرنده بوجه آتی دلائل نقیه و عقلیه سرد بیوربورلر: کما دخل علیها زکریا المخراب.. الخ [اخبار الاهیسی موجبجه زکریانک نزد مریمده رزق کورمه سی خارق العاده در. ایشته بو خرق عادت بر کرامتدر دینورسه که رزقک قابالی بر قیز نزدنده بولو بوشی خرق غادت طریقله اولیه بیلور.

بو، بش وجه ایله ابطال ایدیور :

۱. مریمک علو شانی و سائرلر عننده درجه امتیازی اشبو رزقک باشقه طریقله کلسنه مناقضدر.

۲. بو آیتدن سوکره تنکری تعالی [هناک دعا زکریا ربه قال رب هب لی من لدنک ذریه طیبه] بیوربور، حضرت قرآن دلالت ایدیور که جناب زکریا کندیسيله زوجهنک شیخوختدن ناشی چوجق خصوصنده آیس ایدی؛ مریم عننده انخراق عادتق مشاهده ایدنجه کندیبی حقنده انخراق عادتق طلب ایدوب حصول ولده طمع کوستردی. بو تقدیرجه [هناک دعا...] مناجاتی یرینی بولش اولیور. فقط مریم حقنده مشاهده ایتدیکی، خارق عاده بر شی اولمه ییدی اشبو مشاهده اختیار و عاقر بر مرئنه دن چوجق طلبنه سبب اولزدی.

۳. (رزقا) تنکیری اشبو رزقک کیفیتنه تعظیم اولدیننه دالدر سانکه رزق عجیب و غریب دینلمک ایستمشدر.

۴. (وجعلناها وابنها آیه للعالمین) آتی موجبجه مریم ایله عیسادن خوارق ظهور ایتمه ییدی اشبو کلام صحیح اولزدی.

۵. تواتر آسویلندیکنه کوره زکریا مریم عننده یازین قیش یمیشلری قیشینده یاز یمیشلری کورمشدر. دینورسه که جناب زکریا خرق عادت طریقله باذن خدا بو کبی حالاتک اوله بیله جکنه قائل دکلای ایدی که آنجق اشبو مشاهده سی اوزرینه خرق عاده یعنی قدرت صمدانیه کمال اطلاع حاصل ایدرک کندی ایچون حقندن بر ولد صالح ایستمشدر جوابنده دینور که معجزه انیا کبی کرامت اولیانکده جوازی بیلور دیسه ده بویه عیناً مشاهده ایدنجه اوغل حقنده کی طعمی تازه لندی، اشتداد ایتدی چونکه کرامتک جوازی عننده کسب قطعیت ایلدی.

متکلمین دیرلر که رسل ایله انیای کرامتک دعایی اجازت ربانیه دن سوکره اولور تا که دعانک اجابتی مصلحت دکل ایسه دعا مردود اولوب منصب انیایه نقصان کلسون. فخر رازی جواب ایدر که جناب حق مطلقا دعایه اذن ویرمشدر؛ دنانک بعضیسی قبول ایدر،

بعضی سنی ایتمز . ایمدی رسول ایچور، معصیت اولمیان هر دیله دیکی شینه دعا ایتمک اولور ؛ جناب حق ده اجابت ایدریا خود ایتمز . ایدر سه فضل واحسانیدر . ایتمزه رسول ده مخلوقدر ؛ باب خالقه نه منصبی اولور که عدم اجابت اوکا نقض ایراث ایتسون؛ اوده درکاه رحمت رحمانک بر سائیدر .

فاتح

مصطفی نوری

ضابطه اخلاقیه

منحصراً آداب و اخلاق عمومی به مغایر افعال و حرکات حقنده تعقیبات اجرا ایتمک و هر هانکی بر احتیاجات و ایجابات اجتماعی ایله غیر قابل تألیف اوضاع و قیافت خارجی ایله سو قایلده کزهرک مملکتک عرف و عادت خالقه حرکتی اعتیاد ایدن قادیلر حقنده تدابیر مانعه اتخاذ ایتمک اوزره پولیس مدیریت عمومی سنده بر ضابطه اخلاقیه شعبه سی تأسیس اولمشدر . بو شعبه یه انتخاب اولنان مجرب الاحوال مأمورین شمیدین ایقای وظیفه یه ابتدار ایتمش اولوب نتیجه مشاهدات و تعقیباتلری اولمق اوزره اعطا ایلمکلی معلومات اوزرینه بو قبیل قادیلرک منسوب اولدقلری عاقله رینه شمیدیلک تحریراً خطارات لازمه اجرا ایلمکله اکتفا ایلمشدر . خطارات مذکورده نك مشعر اولمامسینه کوره حقلرنده معامله قانونیه اجرا اولمه قدر . ابتداءً اتخاذ اولنان بو تدابیر حسن تأثیر ایدهرک قادیلرک بو قبیل معاملات قانونیه نك استلزام ایلمدیکی آجی نتایج معروض قالمیه جقلرینی امید ایدهرز .

آلمانیا ایمپراطورینک هدیه سی

« عثمانیشر لوید » ک شام مخبر مخصوصندن آلوب بو کونکی نسخه سینه درج ایلمدیکی بر تلغرافنامه ده شام شریفده لیلّه مبارکه قدرده جامع کیر اموی نك حولیسنده اجرا ایلمش اولان احتفال محتمم حقنده تفصیلات بوجه آتیدر . بو تلغرافنامه یی بروجهر نقل اییدیورز .

شام ۸ اغستوس ۱۹۱۵

ایمپراطور حضر تلی طرفندن اهدا اولنان لامبه نك تسلیم رسمی، قرآن کریمک نزولی حسیله عالم اسلامک الک مقدس کیجه سی اولان رمضانک یکر می یدنجی (۷ آغستوس افرنجیه مصادف) « لیلّه قدره آقشامی » امیه جامع شریفنک حولیسنده اجرا ایلمشدر . بو رسم

بهینده دردنجی اردوی هایون قوماندانی جمال پاشا ووالم خلوصی بک ، امرای عسکریه ورؤسای ملکیه ، اشراف و مشایخ و بیکارجه اهالی و بوراده بولنان بالجله آلمان تبعه سی اثبات وجود ایتمشدر . غروب شمسله برابر رؤسای عسکریه و ملکیه و آلمانیا و اوستریا مجارستان قونسولسلیر امیه جامعی منسویینی طرفندن عادت قدیمیه تبعاً ویربان لیلّه قدر افطار سفره سندن نواله چین اولمشدر و ساعت سکزه طوغری مدعوین الکتریک ضیاسیله بر نور اولان جسم امیه جامعی حولیسنه داخل اولمشدر .

آلمان قونسولوسی دو قنور « لویدوده » ایلمک دفعه کرسی خطابه حیه رق هدیه ایمپراطوری اولان لامبه نك اهداسی مناسبتیه تورکجه بر نطق ایراد ایلمشدر . مومی الیه بو لامبه یی آلمانیا ایمپراطوریه خلیفه مسلمین آره سنده جایکیر اولان اتفاق و صلاح آرقداشلقنک بر آیده سی اوله رق توصیف ایتمش و « لامبه صلاح الدینک مرقد مبارکی تنویر ایتدیکه مشارالیه ک روح غضنفری اسلامره شهراه استقبالی تنویر ایلمیجی بر رهبر اولسون . آلمان - عثمانی محبت و محادتی دائماً و دائماً بو قادیلک ضیاسی کی صاف و حار قالسون » دیشدر . والی بک اقدی بو بر صنعت هدیه ایمپراطوریدر دولای اهلینک تشکراتی بیان و ایمپراطور حضر تلینک عالم اسلام حقنده پرورده ایندیکی محبت و مودتک قیمت عظیمه سی درمیان ایلمشدر . قوماندان جمال پاشا دخی بیان تشکرات ایتمش و عثمانی - آلمان صلاح قارداشلقی تقدیر ایلمشدر . ایکی شیخ و اهالیدن دیگر اوج خطیب آلمان - عثمانی اتفاقنک اهمیتی حقنده اداره کلام ایلمشدر .

مراسمه اشتراک ایدنلر جامع حولیسندن اعتباراً آلرنده قنارلره ایکی صره دیزلمش مکتب شا کردانی آره سندن کچهرک جوارده بولنان صلاح الدین ایوبینک تربّه شریفه سینه کیتعشدر . تربده مرقد اوزرنده لامبه هنوز یاقامامش اوله رق تعلیق ایلمش طور ییوردی . بوتون دعوتایلر مرقدک اطرافده اخذ موقع ایتدکن صوکره برنجی دفعه اوله رق جمال پاشا الکتریک دوکمه سی چورمش ، لامبه نك نشر اوار ایتمه سی اوزرینه لامبه یی ایلمک دفعه یاقق مظهریتنک کرک کندیسی و کرک اخلاقی ایچون الک بویوک شرف فالحه جمعی بیان ایتمشدر .

خلیفه روی زمین پادشاهمز اقدمن حضه تلی ایلّه آلمانلرک حکمدار محشمی بینده جایکیر اولان اتفاق و محادتنک غایت بارلاق بر نشانه سی ظاهر اولمشدر . آلمانلرک ، حکمدار ذیشانلری باشده اولدینی حالده ، اهالی اسلامیه یه و بوتون عالم اسلامه قارشی حس احتراملرینه ، صلاح الدین ایوبی کی اسلامیت قدرت و اعتلا سینه جالیشمش بر داهئی اعظم ویر مجاهد مخضک تربّه منیفه سینه ، ایمپراطور طرفندن اهدا و لیلّه مبارکه قدرده ، قوماندان جمال پاشا طرفندن اشغال اولونان فانوس نور افشان، معلا برر ها تشکیل ایتمشدر .